



為不孝

陽道州之為朝士也、家苦貧嘗以木枕布衾質錢數萬人爭取之

蘇州開元寺東有陸氏世居門臨河溪、右巨石而塊立、乃吳陸績為鬱林郡守罷秩泛海而歸、不載寶貨、舟輕用此石重之人號鬱林石、陸氏自績及裔孫國朝太子少保充公、猶保其居、今子孫漸削、其居十不存一焉

費縣西漏澤者、漫數十里、歲時雨降、即泛溢自滿、蒲魚之利、人實賴焉、至白露應候、即前如掃、一夕而焉、蕭功曹穎士以年代莫詳、紀載攸闕、信殊異也

李忠公之為相也、政事堂有會食之牀、吏人相傳移之、則宰臣罷、不遷者五十年、公曰、朝夕論道之所、豈可使朽蠹之物穢而不除、俗言物忌、何足聽也、以此獲免、余之願焉、命撤而焚、其下鏟去、聚壤十四畝、議者稱正焉

杜太保宣簡公、大曆中有故人遺黃金百兩、後

勾吳茶夢散人姚咨識

崇禎庚辰歲假葉石君藏本寫凱之

大唐傳載并序

書云不有博奕者乎猶賢乎爾斯聖人疾夫  
飽食而怠惰之深也又曰吾不試故藝試用  
也夫藝者不獨揔多能第以其無用于代而  
窮愁時有所述耳八年夏南行極嶺嶠暇日  
瀧舟傳其所聞而載之故曰傳載雖小說或  
有可觀覽之勿哱而咲焉

倩一作請杜河南兼嘗聚書至萬卷每卷後必自題云倩  
俸寫來手自技汝曹讀之知聖道墜之鬻之

三十年為淮南節度使其子來投公取其金  
還緘封如故

趙郡三祖元和中每房一人同時為相皆第三  
即司徒吉甫司空絳華州刺史藩

天寶中有書生旅次宋州時沂公勉少年貧苦  
與書生同店而不旬日書生疾作遂至不抹  
臨<sup>絕</sup>疾語公云某家住洪州將于北都求官于  
此得疾且死其命也因出囊金百兩語公曰  
某之僕使無知有此者足下為我畢死事餘

金奉之李公許為辦事及畢密置于舍墓中  
而同葬焉數後年公尉開封書生兄弟賈洪  
牒來尋生行止至宋州知李為主喪事專詣  
開封詰金之所公請假至墓所以出金付之  
焉

韋獻公夏卿有知人之鑒人不知也因退朝于  
街中逢再從弟執誼從弟渠年卅三人皆第  
二十四並為郎官簇馬良久獻公曰今日逢  
三二十四郎輒欲題目之語執誼曰汝必為

宰相善保其末耳語渠半曰弟當別奉主上  
恩而速貴為公卿語冊曰三人之中弟最長  
遠而位極旄鉞由是竟如言

杜亞為淮南競渡採蓮龍舟錦纜綉帆之戲費  
金錢數千萬于頔為襄州點山燈一夕油二  
千石李昌夔為荆南打獵大修富室其妻獨  
孤氏亦出女隊二千人皆著紅紫繡襖及子  
錦鞍韉此三府亦因此而空耗

汝南袁德師故給事高之子嘗于東都買得婁  
師德故園地起書樓洛人語曰昔日婁師德  
園今乃袁德師樓

貞元元年十月戊辰始詔中官竇文場監神策  
軍左廂兵馬馬有麟為左神策大將軍額  
之始焉

貞元十二年六月乙丑始以竇文場為右神策  
護軍中尉其日又以張尚進為神武中護軍  
左右辟仗使之始也

建中初關播為給事中以諸司甲庫皆是胥吏

其掌為樊頗久，播因議用士人知之。弘農楊氏高都東房，承四太尉之後，世傳黃雀所嘆玉環，至天寶為楊國忠所殺，今不知所

在。

不解

張守珪，陝州平陸人，自幽州入覲，過本縣，見令李申，索梓之禮，見陝尉李冕，桎梏令衆，寬呼張公曰：困危之中，豈能相拯，至靈寶，便奏充州判官，冕後至宰相。

貞元中，張茂宗所尚義章公主，贈鄭國公主，謚為莊穆，韋宥所尚唐安公主，贈韓國公主，謚為貞穆，所司擇日冊命，國朝已來，公主即有追封者，未有加謚，公主追謚，自此始也。

徐尚書晦，沈吏部傅師，徐公嗜酒，沈公善食，揚州嗣復嘗云：徐家肺，沈家脾，真安穩耶。

有士人好食爇牛頭，一日忽夢其物，故拘至地府，艷都獄有牛首阿旁，其人無畏憚，仍以手拊阿旁曰：只者頭子，大堪爇，阿旁笑而放。

迴。

元和中、即吏數人、~~車~~省中縱酒、話平生、各愛尚  
及憎怕者、或言愛圖畫及博奕、或怕妄與佞  
工部員外汝南周愿、獨云、愛宣州觀察使、怕  
大蟲。

貞元中禁未仕不得乘大馬、有人言于執政、大  
馬甚多、貨不得舉、人不得騎、盡為河北節度  
所得。

陸鴻漸嗜茶、撰茶經三卷、行于代、常鬻茶、即燒  
瓦甕為其形、兒置于竈、釜上、左右乃茶神、有  
交易則茶祭之、無以釜湯沃之。

高祖之制、凡出將、賜旌節、專征行軍、有大總管  
之號也、空十四字

鎮君有大都督之號。

玄宗之幼、為節度大使、節度之號、凡皇太子親王  
統軍、中有元帥府之制、宰相遙領節度使、自  
牛仙客始也。

開元九年、命宗正寺官僚、並以宗子為之、  
唐制、男子始生、為黃、四歲為小、十六為中、二十

為丁六十為老

賦役之制有四、一曰租、二曰稅、三曰徭、四曰役。凡丁歲租粟一石、凡稅隨鄉土所產、凡各受布加五分之一、麻三斤、凡役歲二旬、閏加三日。

驚爵至德元年、方以倭御史文升清為宣諭使、許人納錢授官、及明經出身。

度僧至德二年、勅以僧及道士入錢、自度有差。乾元元年七月、鑄錢使第五琦奏請鑄乾元錢。

每貫重二十斤、一文當五十寶。應元年以盜鑄甚日、物價騰貴、咸稱非便、有制舊錢一文行用。

乾元二年、御史中丞元載為江淮五道租庸使、高戶定數徵錢、謂之白著權酷。

至德二年、勅天下州縣量定酤酒、隨月納稅。建中二年、更加青苗、大曆初稅每畝十文、三年加五文、勅以御史大夫充使、其後割歸度支。盧中丞邁有寶琴四、各直數十萬、有寒玉石磬。



響泉和志之號

李河南素替杜公兼時韓吏部愈為河南令除  
職方員外歸朝問前後之政如何對曰將縑  
來比素。

李國相程執政時嚴休皆在南省有万年令關  
人多屬之李公云二嚴不如譽

豆盧署少年旅于衢州夢老人云君後二十年  
為牧茲郡也果為衢州於所夢之地立徵夢  
亭

鄭滁州時於曲江見令史醉池岸云更一轉即  
入流矣。

白賓客居易云忠州有荔枝一株槐一株自忠  
之南更無槐自忠之北更無荔枝

賈至常侍平生毀佛嘗假寐廳事忽見一牛首  
阿旁長不滿尺携小鍋而然薪于牀前公驚  
起而詢之對曰所謂鑊湯者罪其毀佛人公  
曰小鬼何足畏耶遂伸足床下其湯忽沸染  
于足涌然而上徹味烘爛而卒

烏江有項羽繫烏騅樹，歷千餘年，尚鬱茂。建中  
年中，縣令張勤，厭賓客遊觀，令伐卻。于今茲  
地獨不生草。

李鎮惡，即趙公嶠之父，選梓州郫縣令，與友人  
書云：州帶子號，縣帶妻名。由來不屬老夫，併  
是婦兒官職。

錙，巨麟，開元中為廣州刺史，弟仲丘為麗正殿學  
士，兄弟友愛，有羅浮道者，為巨麟合丹劑，將  
分半以遺仲丘，命刀中破之，分銖無差焉。

蕭功曹穎士，趙員外驥，開元中同居興敬里肆  
業，共一靴，久而見東郭之迹，趙云：可謂疲于  
道路矣。蕭云：無乃祿在其中。

蘇州洞庭杭州興德寺房太尉瑄云：不游興德  
洞庭，未見山水之勝。

壽安縣有噴玉淙泉，石溪皆山水之勝絕也。貞  
元中，李賓客祠為縣令，乃刻礪蒼會開徑，隊人  
方聞而遊，烏太和初，博陵崔蒙為主簿，標堦  
于道，周人方造而遊焉。

顏太師魯公刻姓名于石或置之高山之上或  
沉之大洲之底而云安知不有陵谷之變耶  
獨孤常州及末年尤嗜鼓琴得眼疾不理意欲  
專聽也

曲阜縣先聖廟前有數株古栢亦傳千餘歲其  
大十圍淄華為兗州軍恨貧窮無以光四方  
之信使華遂伐之裁為簡冊刻為器皿以行  
餉之

燕文貞公弟某女嫁盧氏嘗為舅盧公求官候  
公朝下而問焉公不語但指搯床龜而示之  
女拜而歸室告其夫曰舅得詹事矣

開元東封有太原人于伯隴者年一百二十八  
歲精爽不昧其子已卒兩孫隨之各年七八  
十矣自北來詣闕引見上勞之老人無拜禮  
伯隴曰臣神堯皇帝之臣也荏苒歲月得至  
今日復事即君臣之幸矣即君明聖功成封  
岳不以昏老千里而來上笑而憫乃賜紫袍  
牙笏及優卹有加伯隴自言仁壽年生說大

業末事了然可見

李右丞廩年二十九為尚書右丞至五十九又為尚書右丞

于良史為張徐州建封事但舉其姓曰辛丘杜

人

蕭功曹穎士嘗出灞橋道左逢一老人眉髮皎白狀骨甚竒古蕭甚異之老人瞻顧蕭怪問之老云公似吾亡友耳蕭固請言之老人曰吾與鄱陽王恢善君甚類之乃穎士六代祖

蕭問其所來不應而去

洛陽金谷洛陽城二十五里晉石崇依金谷為園苑高臺飛閣餘趾隱嶙獨有一皂莢樹甚

大至今鬱茂

鄭公審開苑中為殿中侍御史充館驛使令每傳舍立長堠自公始也

潤州金壇縣大曆中北人為主簿以竹筒賣蝎十餘枚置于廳事之柳樹後遂孳育至百餘枚為土氣所蒸而不能蟄蟄人南民不識呼為

主簿蟲

開元中進士唱第于尚書省其策試者並集于  
都堂唱其第于書省有落去者兩、三、戴  
帽子曰暮祖 候吟一聲長安竹帛皆枯死  
開元中吏部侍郎被寧王憲囑親故十人官遂  
詣王、見曰十人之中有當量去者乎王云  
九人皆不可矣一人某者聽去吏部歸九人  
皆超資好官獨某者當特出云據其書判自  
合得官緣囑寧王且于冬集

崑山縣遺尺潭本大曆中村女為皇太子元妃  
遺玉尺化為龍至今遂成潭

洛東龍門香山寺方則天時名望春宮則天嘗  
御石樓坐朝文武百執事班于外而朝焉  
永和中判太常寺行事禮官至圓丘至時不  
到云太常大寺實曰伽藍圓丘小僧不合無  
禮

沙堤起天寶三年因蕭京兆貝奏請于要路築  
甬道載沙實焉賜為興慶池

天寶中樂章名多以邊地為名若涼州甘州伊州之類是為其曲遍繁聲名入破後其地盡為西蕃所沒破其兆矣

高平徐弘毅為知彈侍御史創一知班官令自宣政門檢朝官之失儀者到臺司舉而罰焉有公卿大僚令問之曰未到班行之中何必拾人細事弘毅報之曰為我謝公卿所以然者以惡其無禮于君

裴僕射遵慶二十八仕累折上中子未嘗隨俗

樣凡代之移易者五六而公年九十時幼小所裹者今中子有僕射樣

韓太保臯生知音律嘗觀客彈琴為止息乃嘆曰妙哉嵇生者也為是曲也其當魏晉之際止息與廣陵散同出而異名也其音主商為秋聲天將肅殺草木搖落其歲之晏乎此以所魏之季也慢其商德與宮同音是巨奪其君之位也此所以知司馬氏之將篡乎廣陵揚之地散者流去之謂也揚者武帝后之

姓也、言揚后与其父駿之傾覆晉祚也、止息者、晉雖興終止息于此、其音哀憤而憔悴、搯感而憐痛、永嘉之亂、其應乎此、叔夜撰此將貽後代之音、且避晉禍、託之鬼神、史氏非知味者、安得不傳其謬也歟、

韓太保臯嘗言洪範五福、獨不言貴者、近于高、危、福之自至、猶倣動、柰何、枉道邀之、

李西平弑之為將軍也、嘗謁素道茂、云、將軍異日為京兆尹、慎少殺人、西平曰、武夫豈有京

兆尹望乎、後興元、收復西平、兼京兆、桑公在俘囚中、當斷之際、告西平曰、公忘少殺人之言乎、

韓太保臯之為御史中丞、京兆尹嘗有所陳、必于紫宸殿對百僚、而請未嘗詣便殿、上謂之曰、我与卿于此不盡、可未延英殿、當与卿從容、或無遺事、及大政、多匡益之親友、先謂公曰、自乾元以來、群臣啟事、皆詣延英、方得詳盡、公何獨于外庭對眾官以陳之、無失于慎、

密乎韓曰御史天下之持平也剛直枉唯  
在公何有不可共所言之事貴人知之柰何  
用請便殿避人竊語以私國家之法且延英  
之置也肅宗皇帝以苗晉卿年老艱故設之  
後來臣僚欲盡其身得詣便殿多以私自售  
希旨求恩寵于相位柰何以此為望哉  
張祕書薦自筮仕至祕書監嘗帶使職三入番  
竟歿于赤嶺外

韋崖州執誼自幼不喜聞嶺南州縣拜相日出  
外舍見一州郡圖遲迴不敢看良久臨起悞  
視乃崖州圖也竟以貶終

王河南或有人報曰公除右轄王曰吾若為  
此官被人喚作不解作詩王右丞

陽道州城未嘗有所蓄積雖服用不可缺者客  
稱其物佳可愛公輒喜舉而与之有陳蓂者  
候其始請月俸常往稱其錢帛之美月有獲  
者

韋中書處厚在開州也常有李潼崔冲二進士



未謁留連月餘日會有過客西川軍將某能相術于席言李潼三日內有虎厄後三日相君與諸客遊山寺自上方抵下方日已莫矣李先下崔後來冲大呼李云待冲來李聞待冲來聲謂虎至矣顛蹶墜下山趾絕而復蘇數日方較及軍將迴謂李曰君厄過矣

蘇給事岱建中末為太常博士遇朱泚亂將赴行在夜行山谷常有二燭前導危險畢見燭豈忠憤所感耶

李龜年彭年鶴年兄弟三人開元中皆有才學盛名鶴年善歌尤妙製渭州彭年善舞龜年善打羯鼓玄宗問卿打多少杖對曰臣打五千杖上曰汝殊未我打却三監櫃也後數年又聞打一監櫃因賜一披杖羯鼓後捲流傳至建中三年任使君又傳一弟子使君令取江陵漆盤底瀉水捲中竟日不以其至平又曰捲入鼓只在調監慢此捲一調之後經月如初今不知所存

安邑縣北門縣人云有一蝎如琵琶大每出來不毒人猶是恐其靈問其積年矣

涇州將郝玼自貞元末及元和中數于涇州擒殺西虜及築臨涇城西戎畏之贊普鑄一金郝玼號曰有能得玼者賜金玼焉

建中中李希烈攻汴州城陷用百姓婦女輜重以實濠塹謂之濕稍

竇參之作相也用從父弟申為耳目每有除口先言于申以告其人故謂竇給事為喜鵲

同州唐安寺有盜帥董太宮之漆身後有盜者皆未拜祝有至鳴足者今漆足皆口牙

襄州漢高祖廟本為解佩于漢之義今為漢高誤也

陝州平陸縣主簿廳事西序楣有隨房公杜公仁壽元年十二月題玄齡如晦題處房年二十三杜年二十六今移在使府食堂之梁揚京兆憑兄弟二人皆能文為學甚苦或同賦一篇共坐庭石霜積衿袖課成乃已

李愿司空兄弟九人四<sub>鮪</sub>土地愿為夏州徐泗  
鳳翔宣武河中五節度憲為江西觀察嶺南  
節度愬為唐鄧襄陽徐泗鳳翔潞澤魏博六  
節度使聽為夏州靈武河東鄭滑魏博汾寧  
鳳翔七節度使一門登壇授鉞無比焉  
元和十五年辛丘度丘<sub>紘</sub>元穎同時為遺補  
令史分直故從事每自吟曰出身二十年髮  
白衣猶碧日莫倚朱門從來汗袍赤因之公  
為奏章服焉

河南廣武山有流挂泉史思明于其上立漢高  
祖廣茅山下宮茅君鍊丹井香潔不受觸曾  
有修宮工人不知取水煮肉良久不熟

寶曆中亳州云出聖水服之愈宿疾亦無一差  
者自洛已來及江西數州郡人爭施金貨衣  
服以飲焉獲利千万人轉相惑李贄皇德裕  
在浙西也命于大市集人集釜取其水于設  
司取猪肉五斤煮云若聖水也肉當如故遂  
巡肉熟爛自此人心稍定妖者尋而敗露

朗州武陵山有<sup>仙</sup>人換骨匣，每年若大風雨，望峭壁即有新者。

澤州長平，即白起坑。趙卒地，開元中詔為省寃谷。至今天氣長陰，有泉色赤，于其下立丹井碑。

湖州德清縣南前溪村，即前朝教樂舞之地。今尚有數百家，盡習音樂。江南聲伎多自此出，所謂舞出前溪者也。

終南山有秋池，本陽大洲。一夜忽飛去，所歷皆暴雨，與魚俱下。大者至四五尺，小者不可勝計。遂落終南山中，峯水浮數尺，縱廣一里餘。色如黛，黑雲雨常自中出。焦旱祈禱，無不應焉。山僧採樵時見群龍，澆澣其中。

昭應慶山，長安中從河飛來。夜過，聞雷聲如疾風，土石亂下，直墜新豐西。一村百餘家，因山為墳。今于其上起持國寺。

魏齊公元忠，少時曾謁張憬藏，待之甚薄，就負

通塞亦不答公乃大怒僕不遠千里累糧來  
非徒行耳必謂明公有以見教而含木舌不  
盡勤之意耶且窮通貴賤自屬蒼天何預  
公焉因拂衣而去憬藏遽起言曰君之相祿  
正在怒中後位極人臣  
解縣鹽池當安史時水忽涸淡鑿輿反正日亦  
復如故

上都崇聖寺有徐賢妃粧殿太宗曾召妃久不  
至怒之因進詩曰朝來臨鏡臺粧罷暫徘徊  
千金始一笑一召詎能來

漢中王瑀為太常卿早起朝聞永興里人吹笛  
問是太常樂人否曰然已後因閱樂而撻之  
問曰何得某日卧吹笛又見康崑崙彈琵琶  
云琵琶聲多少亦未可彈五十四絃大絃也自  
下而上謂之琵琶自上而下謂之琴

裴延齡嘗怒李京兆充云近日兼放髭鬚白向  
人前作背面

薛汝丹家在南岳常與一僧知聞其僧每年

以香練頂供養佛至八十餘終沒歲有餘州  
民生一子色貌絕殊而頂甚香十步之外人  
皆聞之生不食魚肉數歲出家為南岳高行  
律師焉

王藻王素貞元初應舉齊名皆第十四每詣人  
家皆通王十四郎或問曰藻也素也

常相刻為禮部判雜文榜後云旭日登場思殊  
不銳通宵絕筆恨却有餘所以雜文過者常  
不過百人鮑祭酒防為禮部帖經落人亦甚

時謂之常雜鮑帖

左右常侍與給諫同厨二人進菌子於給諫問  
云莫毒否厨人荅曰常侍已嘗了

乾元中太子左贊善大夫呂旬母張氏年八十  
八以旬久不歸思念之忽覺左乳長汁流出

顧謂孫馮汝父即來也不踰十日旬遂至

至德初當安亂河東大飢忽然荒地十五里生

豆穀及稻掃却有復生約得五六千石其米甚

圓細復美人賴焉

開元天寶之間傳家法者崔沔崔均之家法、  
泓師云、長安永寧坊東南是金盞地、安邑里西  
是玉盞地、後永寧為玉太傅錡地、安邑為馬  
北平燧地、後王馬皆進入官、王宅累賜韓令  
弘及史憲誠、李戴義等、所謂金盞破而復成、  
馬馬燧為奉誠園、所謂玉盞破而不完也、

常相裂之在福建也、有僧某者善占色、言事若  
神、相國惜其僧老、命弟子就學其術、僧曰、此  
事天性、非可造次為傳、某嘗於相君左右見

一人可教、遍召得小吏黃徹、馬相命就學、老  
僧遂於閣室中置五色彩於架、令視之、曰、世  
人皆用眼力不盡、淬熟看之、旬日後依稀認  
其白者、後半載看五色即洞然而得矣、命之  
曰、以若閣中之視五綵、迴之白晝占人、因傳  
其方訣、且言後代當無加也、李忠公吉甫云、  
黃徹之占、袁詵之亞也、

禮部劉尚書禹錫與友人三年同處、其友人云、  
未嘗見劉公說重話、

唐公昭性寬仁多恕常欲弔喪令家僮歸取白衫僮僕悞持餘衣懼未敢進臨察之謂曰今日氣逆不宜哀泣向取白衫且止之又令煮藥不精潛覺其故又謂曰今日陰晦不宜服藥可棄之終不揚其過矣

唐皎貞觀中為吏部先時選集四時隨到即補皎始請以冬時大集終季春而畢至今行之徐大理宥少為蒲州司法參軍為政寬仁吏感其恩信逋相約曰若犯徐司法杖必斥罷終

官不杖一人

顏魯公真卿為監察御史充河西隴右軍覆屯交兵使五原有冤獄決乃兩郡人呼為御史兩

德宗問李沂公勉人云盧杞是姦邪何也勉曰人皆知之陛下獨不知此所以為姦邪也李希烈跋扈蔡州時盧杞為相奏顏魯公往宣諭而謂顏曰十三丈此行出自聖意顏曰公之先忠烈公面上無是某之所舐忍以垂死之



年餌於虎口、扼聞之、馬盧即是御史丞、  
之子、

南蠻清平官、猶國家之宰相也、元和中有鄧<sup>劉</sup>旁  
來庭、宰臣問之、公名旁、其意乎、對曰、亦猶大  
朝之劉宗經矣、

蘇戶部弁、劉常侍伯芻、皆聚書至二萬卷餘、

馮河南宿之三子、陶鞠圖兄弟、連年進士及第、  
連年登宏詞科、一時之盛代無比、馬當太和  
初、馮氏進士及第者、海內十八、而公家兄弟

牀姪八人

李相國程為翰林學士、以前塔磚日影為入候

公性嬾、每入必踰八磚、故號為八磚學士、馬

永州龍興寺、乃吳軍司馬蒙之故宅、僧懷素善

草隸、嘗浚井、得軍司馬印、文字不蝕、雕刻如

新、懷素每草書、用此為誌、

英公雖貴、僕射、其姊病、必親為粥、火然輒焚其

鬕、姊曰、僕妾多矣、何為自苦、勸曰、豈無人耶、

顧今姊年老、勸亦年老、雖久為姊粥、復可得

乎。

英公嘗言我年十二三時為無賴賊逢人則殺  
十四五時為難當賊有所不愜者殺之十七  
八時為好賊上陣殺人年二十便為天下大將  
軍用兵救人死鄂公尉遲敬德性驍勇而尤  
善避槊每單騎入陣敵人刺之終不能中反  
奪其槊以刺敵人海陵王元吉聞之不信乃  
令去槊刃以試焉敬德曰饒王著刃亦不畏  
傷元吉再三來刺既不少中而槊皆被奪去  
元吉力敵十夫大慙恨太宗之禦竇建德謂  
尉遲公曰寡人持弓箭公把長槍二人相副  
雖百萬衆亦無奈乃與敬德馳至敵營叩其  
軍門大呼曰大唐秦王能敵來與汝決追騎  
甚衆不敢禦

竇建德之役既陣未戰太宗見一少年騎驄馬  
鎧甲鮮明指謂尉遲公曰彼所乘馬真良馬  
也言之不已敬德請取之帝曰輕敵者亡脫  
以一馬損公非寡人願敬德自料攻之萬全

乃馳往并擒少年而返即王世充之兄子偽代王琬字文士及在隋亦識之是馬實內廐之良馬也帝欲旌其能並以賜之

太宗將征遼衛公病不能從帝使執政已下起之不起帝曰吾知之矣明日駕臨其第執手與別靖曰老臣宜從但犬馬之疾日月增甚恐死於道路仰累陛下帝撫其背曰勉之昔司馬仲達非不老病竟能自強立勲魏室靖叩頭曰請輿病行至相州疾篤不能進駐驛

之役高麗與靺鞨合軍四十里太宗有懼色江夏王進曰高麗傾國以拒王師平壤之守必弱請假臣精卒五千覆其本根則千萬之衆可不戰而降帝不能用

建中三年天下州縣各省一官乾元四年勅不注額內官元和六年又減天下州縣官

除陌建中四年勅天下州縣市買交關每貫五十文納官間架建中年戶部侍郎趙贊奏天下州縣屋宇間架率錢有差

沙門一行開元中嘗奏玄宗云陛下幸萬里  
聖祚無疆故天寶中幸東都庶盈萬數及上  
幸蜀至萬里橋方悟焉

天寶中天下無事選六宮風流艷態者名花鳥  
使主宴

玄宗幸蜀天廐八馬其七盡斃於棧道唯一雲  
騅存焉後德宗幸梁亦充御馬

五臺山北臺下有青龍池約二畝已來佛經云  
禁五百毒龍之所每至盛午昏霧暫開比丘

及淨行居士方可一觀比丘尼及女子近即  
雷電風雨當時大作如近池必為毒氣所吸  
遂巡而沒

韋獻公夏卿不經方鎮唯止於東都留守郡吏  
八人而路公隋皇甫崖州鑄皆為宰相張尚  
書賈段給事平仲衛大夫中行李常侍翺李  
諫議景儉李湖南詞皆至顯官亦名知人矣  
李西臺文獻公避暑於青龍寺夢戴白神云昔  
尹氏相宣王致中興君男亦佐中興之君所

以二吉甫名之  
李相國忠公貞元十九年為饒州刺史先是郡  
城之連四牧故府廢者七稔公蒞止後命啟  
簽籥而居之郡吏以語怪堅請公曰神實正  
直守直則神避妖不勝德失德則妖興居之  
在人

大唐傳載

丁亥四月假馮已蒼本寫  
內多差訛未盡校正也  
明志識是月十四讀一過

卧游錄叙

太史東萊先生晚歲卧家深居一室若與世相  
忘而其周覽山川收拾人物之意未能已也因  
有感於宗少文卧游之語每遇昔人記載人境  
之勝輒命門人隨手筆之而目之曰卧游錄非  
直以為怡神玩志之具而已嘗遺益國周公  
書曰近書新銜州時初道後譙沛真源恍然在目  
若更十年不死則嵩之崇福究之大極華之雲  
臺皆可卧游也觀此則夫先生故國之念未嘗  
一日去心卧游之意抑又深遠矣此書未及成

